

Na osnovu čl. 22. i 24. stav (1) Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 34. stav (2) tačka e) Zakona o javno-privatnom partnerstvu ("Službene novine Kantona Sarajevo", broj 27/11), na 63. sjednici održanoj 29.03.2012. godine, Vlada Kantona Sarajevo donijela je

UREDBU

O EDUCIRANJU UČESNIKA U POSTUPCIMA PRIPREME I PROVEDBE PROJEKATA JAVNO-PRIVATNOG PARTNERSTVA

I. OPĆE ODREDBE

Član 1.

(Predmet Uredbe)

Ovom Uredbom propisuje se Program educiranja u području javno-privatnog partnerstva (u daljem tekstu: Program educiranja), lica za koja se provodi educiranje, organizacija i način provedbe educiranja, sadržaj potvrde o završenom Programu educiranja (u daljem tekstu: potvrda), te uvjerenja o završenom Programu educiranja (u daljem tekstu: uvjerenje).

Član 2.

(Definicija)

- (1) Educiranje koje se provodi na osnovu ove Uredbe je organiziran način prenošenja znanja i vještina vezanih uz primjenu modela javno-privatnog partnerstva.
- (2) Educiranje iz stava (1) ovog člana provodi se u svrhu povećanja obima znanja i vještina učesnika educiranja na svim nivoima, neophodnim za kvalitetno i efikasno obavljanje poslova vezanih za pripremu, ugovaranje provedbe i provedbu projekata javno-privatnog partnerstva.

Član 3.

(Učesnici educiranja)

- (1) Educiranje se provodi za lica koja sudjeluju u pripremi i provedbi projekata javno-privatnog partnerstva unutar javnih tijela, koja su javni naručioci u smislu propisa kojim se uređuje područje javne nabavke.
- (2) Izuzetno, u slučaju potrebe, u educiranju koje se provodi na osnovu odredaba ove Uredbe mogu sudjelovati i lica koja se ne smatraju učesnicima educiranja iz stava (1) ovog člana.
- (3) U slučaju iz stava (2) ovog člana, nosilac Programa educiranja prilagodit će Program educiranja potrebama učesnika educiranja.

II. ORGANIZACIJA EDUCIRANJA

Član 4.

(Okvirni Program educiranja)

- (1) Okvirnim Programom educiranja određuje se sadržaj i trajanje Programa educiranja.
- (2) Okvirni Program educiranja sastoji se od:
 - a) općeg (početnog) programa u ukupnom trajanju od 10 sati,
 - b) složenog (naprednog) programa za lica koja rade na poslovima vezanim uz javno-privatno partnerstvo u ukupnom trajanju od 35 sati, te
 - c) sektorskog programa, koji se odnosi na pojedine sektore unutar kojih se mogu provoditi projekti po modelu javno-privatnog partnerstva u trajanju od 8 sati za svaki pojedinačni modul.
- (3) Učesnik educiranja može sudjelovati na složenom (naprednom) Programu educiranja, ukoliko od izdavanja potvrde o završenom općem (početnom) Programu educiranja nije prošlo više od jedne godine.
- (4) Učesnik educiranja može sudjelovati na sektorskom Programu educiranja ukoliko od izdavanja potvrde o završenom složenom (naprednom) Programu educiranja nije prošlo više od jedne godine.
- (5) Okvirni Program educiranja propisan je u Prilogu I., koji je sastavni dio ove Uredbe.

- (6) Na temelju okvirnog Programa educiranja, tijelo nadležno za javno-privatno partnerstvo za svaku kalendarsku godinu utvrđuje detaljni nastavni plan i program za svaki od propisanih Programa educiranja, te utvrđuje godišnji operativni provedbeni plan educiranja za javno - privatno partnerstvo, u koordinaciji s ostalim nosiocima provedbe Programa educiranja iz ove Uredbe.

Član 5.

(Potvrda i uvjerenje o završenom Programu educiranja)

- (1) Učesnicima educiranja nakon uspješnog završetka svakog od programa propisanih članom 4. stav (2) ove Uredbe, izdaje se potvrda.
- (2) Smatrat će se da je učesnik educiranja uspješno završio pojedinačni program, ukoliko je bio prisutan na najmanje 80% utvrđenog trajanja svakog programa.
- (3) Ukoliko učesnik educiranja uspješno završi sve programe iz člana 4. stav (2) ove Uredbe, učesniku educiranja izdaje se uvjerenje.

Član 6.

(Sadržaj potvrde)

- (1) Potvrda se izdaje u svrhu dokaza nivoa osposobljenosti učesnika educiranja za obavljanje poslova vezanih uz javno-privatno partnerstvo.
- (2) Potvrda obavezno sadrži:
 - a) osnov izdavanja potvrde,
 - b) naziv nosioca Programa educiranja,
 - c) ime i prezime te datum rođenja učesnika educiranja,
 - d) naziv programa koji je lice pohađalo,
 - e) vremenski okvir (datum) održavanja Programa educiranja koji je pohađan,
 - f) datum izdavanja potvrde, te
 - g) potpis odgovorne osobe i pečat nosioca Programa educiranja.

Član 7.

(Sadržaj uvjerenja)

- (1) Uvjerenje obavezno sadrži:
 - a) osnov izdavanja uvjerenja,
 - b) naziv nosioca Programa educiranja,
 - c) ime i prezime te datum rođenja učesnika educiranja,
 - d) nazive programa koje je lice pohađalo,
 - e) vremenski okvir (datum) održavanja Programa educiranja koji je pohađan,
 - f) datum izdavanja uvjerenja,
 - g) potpis odgovornog lica i pečat nositelja Programa educiranja, te
 - h) naznaku sektorskog modula koji je učesnik educiranja uspješno završio.
- (2) Uvjerenje izdaje tijelo nadležno za javno-privatno partnerstvo.

Član 8.

(Nosilac Programa educiranja)

- (1) Nosilac Programa educiranja je Vlada Kantona Sarajevo (u daljem tekstu: Vlada) putem Komisije za javno-privatno partnerstvo (u daljem tekstu: Komisija).
- (2) Komisija kao stalno radno tijelo Vlade, samostalno ili u saradnji sa drugim nadležnim tijelima organizira specijalističke programe edukacije za javna tijela i druge učesnike u skladu sa ovom Uredbom.

Član 9.

(Obaveze nosioca Programa educiranja)

Nosilac Programa edukacije obavezan je:

- a) provoditi Program edukacije, u skladu sa propisanim Programom edukacije iz člana 4. ove Uredbe,
- b) osigurati stručna lica koja će voditi edukaciju,
- c) provjeriti identitet i prisutnost svakog lica koje pohađa Program edukacije,
- d) objaviti na svojoj internetskoj stranici detaljne podatke o Programu edukacije koji provodi,

- e) osigurati i staviti na raspolaganje prostor za provođenje Programa edukacije,
- f) osigurati potrebnu tehničku opremu za provođenje Programa edukacije,
- g) licima koja su uspješno završila pojedini program izdati potvrdu,
- h) voditi evidenciju lica koja su završila Program edukacije.

Član 10.

(Troškovi educiranja)

- (1) Za Programe educiranja predviđene odredbama ove Uredbe, troškove snosi nosilac Programa educiranja.
- (2) Izuzetno, određeni troškovi educiranja mogu se finansirati iz uplata učesnika educiranja, uplaćenih u korist Budžeta Kantona Sarajevo.
- (3) Visinu uplata određuje nosilac Programa educiranja.

III. ZAVRŠNE ODREDBE

Član 11.

(Stupanje na snagu Uredbe)

Ova Uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-8403-6/12

29. marta 2012. godine
Sarajevo

Premijer
Fikret Musić, s. r.

PRILOG I.

OKVIRNI PROGRAM EDUCIRANJA

I. OPĆI (POČETNI) PROGRAM

Modul 1.: Uvod u javno-privatno partnerstvo.

Modul 2.: Zakonodavni i institucionalni okvir za javno-privatno partnerstvo i koncesije.

Modul 3.: Postupak pripreme, predlaganja i odobravanja prijedloga projekata javno-privatnog partnerstva.

Modul 4.: Praćenje provedbe projekata javno-privatnog partnerstva.

II SLOŽENI (NAPREDNI) PROGRAM

Modul 5.: Finansiranje projekata javno-privatnog partnerstva.

Modul 6.: Postupak izbora privatnog partnera.

Modul 7.: Pravna zaštita u postupku izbora privatnog partnera.

Modul 8.: Raspodjela rizika između javnog i privatnog partnera.

Modul 9.: Izračun usporedbe troškova javnog sektora tokom cijelog predloženog ugovorenog razdoblja, s troškovima koje bi javni sektor imao u provedbi istog projekta u istom razdoblju, u slučaju klasičnog (budžetskog) finansiranja tih troškova (Public Sector Comparator - PSC).

Modul 10.: Ugovori o javno-privatnom partnerstvu i kako ih pripremiti.

Modul 11.: Analiza primjera iz prakse - domaća i međunarodna iskustva u pripremi, ugovaranju i provedbi projekata javno-privatnog partnerstva.

Modul 12.: Vođenje projekata javno-privatnog partnerstva (projektna dokumentacija, planiranje projektnih aktivnosti - identifikacija kritičnog slijeda, tehnologija poslovnog procesa, izrada poslovnog i finansijskog plana, zakonodavni okvir i pravna pitanja, mrežna organizacija, upravljanje resursima, upravljanje rizicima, vođenje tima, pregovaračke vještine).

II. SEKTORSKI PROGRAM

Modul 13.: Realizacija projekata prometne infrastrukture putem modela javno-privatnog partnerstva (analiza slučaja cestovnog projekta, ogledni primjeri dokumentacije za nadmetanje, ogledni primjeri ugovora, smjernice za procjenu rizika, alati za finansijsko planiranje).

Modul 14.: Primjena modela javno-privatnog partnerstva u izgradnji objekata za obrazovanje, nauka, socijalna zaštita,

stanovanje i slično (analiza slučaja na primjeru izgradnje škola, ogledni primjeri dokumentacije za nadmetanje, ogledni primjeri ugovora, smjernice za procjenu rizika, alati za finansijsko planiranje).

Modul 15.: Primjena modela javno-privatnog partnerstva u zdravstvu (analiza slučaja, ogledni primjeri dokumentacije za nadmetanje, ogledni primjeri ugovora, smjernice za procjenu rizika, alati za finansijsko planiranje).

Modul 16.: Realizacija projekata u svrhu zaštite okoliša po modelu javno-privatnog partnerstva (analiza slučaja na primjeru projekta gospodarenja otpadom, ogledni primjeri dokumentacije za nadmetanje, ogledni primjeri ugovora, smjernice za procjenu rizika, alati za finansijsko planiranje, kako pretvoriti otpad u energiju putem javno-privatnog partnerstva).

Modul 17.: Primjena modela javno-privatnog partnerstva u energetici, s posebnim naglaskom na projekte obnovljivih izvora energije (analiza slučaja, ogledni primjeri dokumentacije za nadmetanje, ogledni primjeri ugovora, smjernice za procjenu rizika, alati za finansijsko planiranje).

Modul 18.: Primjena modela javno-privatnog partnerstva u oblasti privrede i komunalnih djelatnosti (analiza slučaja, ogledni primjeri dokumentacije za nadmetanje, ogledni primjeri ugovora, smjernice za procjenu rizika, alati za finansijsko planiranje).

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 63. sjednici održanoj 29.03.2012. godine, donijela je sljedeću

ODLUKU

**O USVAJANJU GODIŠNJEG OBRAČUNA BUDŽETA
KANTONA SARAJEVO ZA FISKALNU 2011. GODINU**

I

Usvaja se Godišnji obračun Budžeta Kantona Sarajevo za fiskalnu 2011. godinu.

II

Pokriće viška rashoda nad prihodima u iznosu od 24.882.363 KM planirano je Budžetom Kantona Sarajevo za 2012. godinu.

III

Sastavni dio ove odluke je Godišnji obračun Budžeta Kantona Sarajevo za fiskalnu 2011. godinu.

IV

Ova odluka stupa na snagu danom objavljivanja u "Službenim novinama Kantona Sarajevo".

Broj 02-05-8403-11/12

29. marta 2012. godine
Sarajevo

Premijer
Fikret Musić, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i Zaključka Vlade Kantona Sarajevo sa 56. sjednice, održane 16.02.2012. godine ("Službene novine Kantona Sarajevo", broj 5/2012.), Vlada Kantona Sarajevo donijela je, na 63. sjednici održanoj 29.03.2012. godine

RJEŠENJE

**O FORMIRANJU TIMA ZA PRIPREMU I IZRADU
AKCIONOG PLANA KANTONA SARAJEVO ZA
STRATEŠKO PLANIRANJE**

I

Formira se Tim za pripremu i izradu godišnjeg Akcionog plana Kantona Sarajevo za strateško planiranje.

Tim se formira za period 2012-2014.

Tim čine:

- dva koordinatora i sekretar ispred jedinice za implementaciju Akcionog plana,